

Ammasumik ataatsimiinnermi oqaluuserisassat:

Imm. 01 **Oqaluuserisassat akuersissutigineri**

Imm. 02 **Aningaasaqarnermut tunngasut
Qeqqata Kommuniani unnuiffiugallarsinnaasunik pilersitsineq**

Imm. 03 **Ilassutitut aningaasaliissuteqarnek - atuiffik 85 – Aningaaserivimmiittuutinit
erniat**

Imm. 04 **Suliassat nalinginnaasut
Sisimiuni Puigortunngortunut immikkoortortamik 20-nik inissalimmik
sanaartornermut atatillugu igaffimmik errorsisarfirmillu
ingerlatseqatigiissinnaanermi sipaarutaasinnaasunik misissuineq**

Imm. 05 **Qeqqata Kommunianut ukiumut naatsorsuuseriffiusunut 2019-imut 2019-imi
decembarip 31-ata tungaanut ingerlaavartumik kukkunersiunermit
nalunaarutip ilaa pillugu Kukkunersiuisut nalunaarutaat nr. 33**

Imm. 06 **Ataatsimiititaliamut ilaasortassamik sinniisussamillu nutaanik qinersineq –
Siumut**

Imm. 07 **Paasissutissiissutit
Qeqqata Kommuniata, Randers Kommune, Københavns Kommune aamma
Isumaginninnermut, Ilaqutariinnut Inatsisinillu Atuutsitsinermit
Naalakkersuisoqarfik akornanni suleqatigiinnissamik isumaqatigiissut**

Imm. 08 **Siulittaasut nalunaarutaat**

Imm. 09 **Tamalaat**

***Kommunalbestyrelsip septembarip 24-ani 2020-imi ileqquusumik ataatsimiinnerata 05/2020
imaqarniliornera***

Ataatsimiinneq videokonference atorlugu ingerlanneqassaaq 24. september 2020 nal. 08.30

Peqataasut:

Atassut

Emilie Olsen
Siverth K. Heilmann, *via telefon*
Anna Karen Hoffmann

Inuit Ataqaatiguit

Erneeraq Poulsen
Juliane Enoksen
Axel Lund Olsen

Partii Naleraq

Jens M. Lyberth

Siumut

Malik Berthelsen
Gideon Lyberth
Jakob Olsen
Hans Frederik Olsen
Erik Jensen, *via telefon*

Nalunaaqqarlutik peqataannngitsut

Evelyn Frederiksen
Frederik Olsen

Nalunaaqqaarani peqataannngitsoq

Ruth Heilmann

Imm. 01 Oqaluuserisassat akuersissutigineri

Aalajangiineq

Anna Karen Hoffmann illuaqqanut tunngasunik apeqquteqarniarpoq.

Axel L. Olsen apeqquteqarniarpoq 2021 Taseralimmut qanoq pilersaaruteqarnersoq.

Oqaluuserisassat akuersissutigineqarput.

Imm. 02 Qeqqata Kommuniani unnuiffiugallarsinnaasunik pilersitsineq

Journalnr. 06.02.01

Tunuliaqutaq

2020-mi marsip aqqarnani Atugarissaarnermut ataatsimiititaliap ataatsimiinnerani Qeqqata Kommuniani angerlarsimaffeqanngitsunik ajornartorsiuteqarneq pillugu sammisaq eqqartorneqarpoq akuerineqarlunilu ammaagallarnissamut qinnuteqaat. Tassunga atatillugu Ataatsimiititaliap Atugarissaarnermut immikkoortortaq qinnuigaa, aalajangersimasumik unnuisinnaanermut neqeroorummik pilersitsisinnaanermut tunngatillugu aaqqiissutissanik nassaarniarnerup sulissutigeqqinneqarnissaa, kisianni aamma utaqqiisaasumik unnuisinnaanermut neqeroorutaasinnaasunik. Kommunalbestyrelse suliamut akuerisivoq 30.04.2020.

Maleruagassatigut tunngavigisaq

Kommunimit piginnaatitsissut. Kommunimi piginnaatitsissumut pisinnaatitaalluni utaqqiisaasumik unnuisarfiugallarsinnaasunik pilersitsisoqarsinnaavoq. Unnuisinnaaneq pillugu neqeroorut ukiut tamaasa pisartussaq imaluunniit angerlarsimaffeqanngitsunut unnuiffiugallarsinnaasoq, assersuutigalugu ukiuunerani neqeroorutitut pineqarpat, angerlarsimaffeqanngitsunut unnuisarfimmik pilersitsinissamut Kalaallit Nunaanni inatsisikkut periarfissaqanngilagut.

Kommunimi piginnaatitsinermut malittarisassat innuttaasunut tulluurtunik neqeroorutunik pilersitsinissamut Qeqqata Kommunianut periarfissiippat, taava attuumassuteqarnermik uppersaateqarnissamut inuup normuunik piniarsinnaaneq periarfissaassaaq. Neqeroorummut atuisut akiliisarnissaanik akiligassiisarnissamut inatsisitigut kommunimiluunniit piginnaatitsissutikkut periarfissaqanngilaq.

Pissutsit atuuttut

Atugarissaarnermut immikkoortortaq Teknikkeqarnermut Avatangiisinullu immikkoortortaq aamma INI a/s suleqatigalugit utaqqiisaasumik unnuisinnaanermut neqeroorummik pilersitsisinnaanermut periarfissanik misissuinikuuvoq. Ataatsimiititaliamit qinnuiginninnerup kingorna, ataavartumik unnuiffiusinnaasutut neqeroorummik pilersitsisinnaanermi aaqqiissutissanik Atugarissaarnermut immikkoortortaq suliaqaqqinnikuuvoq, aammalumi utaqqiisaasumik unnuisinnaanermut neqeroorummik.

1. Anguniagaqarfineqartut

Unnuiffiugallarsinnaasunut anguniagarfiit tassaapput innuttaasut, ataatsimoortumik ajornartorsiuteqartutut inissisimasut, soorlu atornerluinermik, eqqarsartaatsikkut anniaateqarneq aamma peqqinnanngitsumik inuuneqarnermik ilisarnaateqartut.

2. Inissisimaffia

Nuummi unnuiffiugallartarfimmik misilittagaasut tassapput, Nuup qeqqata avataani unnuiffiugallartarfimmik inissiineq anguniagarfiusunut pitsaannerusoq. Nuummi unnuiffiugallartarfik 38-nut inissaqarpoq, unnuinissamut atorfissaqartitsisut qasserpiaanersut qulakkeerlugit ilisimaneqanngilaq, kisianni uagut kommunitisitut annertutigisumut tunngatillugu inissaq qulit tikillugit tulluurtuussasoq nalilerneqarpoq. Eqqoriaaneq inissamik naliliinermi aamma maannakkut INI a/s-iit periarfissat malillugit kiisalu Atugarissaarnermut immikkoortortami innuttaasunik eqqugaasinnaasunik suliaqartuusunit eqqoriaanernit tigusapput. Qaammatini pingasuni unnuiffiugallarfiusinnaasunik

pilersitsisinaanermut periarfissanut, Maniitsumi Sisimiunilu unnuiffiugallarsinnaasut pillugit neqeroorummik pilersitsinissamut, INI a/s-imit periarfissat marluk takkunnikuupput. Illoqarfinni marluusuni unnummut ataatsimut unnuinissamut inissat quliussapput. Ineeqqat suaassutsinut agguataarnissaanut periarfissaqassaaq.

Kommunimi atugarissaanermut immikkoortuni unnuiffiugallarsinnaasuni inissaqartinneqarnissamut innuttaasut piffissami 13.00 - 14.00 takkuttarsinnaapput. Innuttaasoq unnuiffiugallarsinnaasumi unnuinissamut nal. 21.00-imiit takkussinnaapput unnuiffiugallarsinnaasorlu aqaguani ullaakkut nal. 08.00 qimaareersimasassavaat.

Unnuisarfiugallartumi sulisut nal. 20.00-imiit 09.30 tungaanut sulisassapput.

Isumannaallisaanermut sulinermilu avatangiisinut tunngatillugu inuit marluk sulisassapput aammalu ajornangippat isumaginninnermut ilinniarsimasuussapput, anguniagaqarfiit ataatsimoortumik ajornartorsiuteqartuummata.

Napparsimasoqartillugu taarteqarsinaanissamut periarfissaqassaaq. Innuttaasut unnuiffiugallartarfiup nal. 8.00 qimassimassagaat sulisut qulakkiissavaat, taamaalilluni unnuanngoqqinnissaanut piareersarneq aallartissinnaaniassammat.

Atuilluartuunissakkut kingunerisinaasai

Unnuiffiugallarsinnaasutut neqeroorummik sulisussat sivikitsuinnarmik ilimasaaruteqarnikkut aallaqqaammullu piffissami killilikkami sulilersinneqartassapput.

Aningaasaqarnikkut allaffissornikkullu kingunerisinaasai

Sisimiuni Maniitsumilu unnuiffiugallarsinnaasunik pilersitsinermut atatillugu aningaasartuutit

1. Qaammatini pingasuni piffissamut sulisumut akissarsianut aningaasartuutit aamma katillugit sulisunik 4,5 amerlassusiliinermi aningaasartuuteqarnissaq naatsorsuutigineqassaaq. (Taakkunannga paarlatsimut 0,5 amerlassusiliisoqassaaq)
2. Unnuiffiugallarfissanut marluusunut ineqarnermut akiliutit, INI a/s-imit akeq. Tassunga ilanngullugu Nukissiorfinit imermut, innaallagissamut aningaasartuutit ilanngunneqassapput.
3. Siniffinnik, sinngup puunik il.il. pisineq.
4. Nerisaqartitineq atuisunut immikkut iliuuseqarneruvoq, naatsorsuutigissagamimi atuisut ilaat perlilissasoq.

**Kommunalbestyrelsip septembarip 24-ani 2020-imi ileqquusumik ataatsimiinnerata 05/2020
imaqarniliornera**

Maniitsoq eqitsit 1

	qaammammut	ataasiartumik	Sulisunut aningaasartuutit	Qaammatit 3
Qaammammut akissarsiassat	52		2	156
Akunermut	43		2	129
Sulisunut Aningaasartuutit	2			6
Napparsimnersiutit	1			3
Allaffissornermut aningaasartuutit	1			3
Nioqutissanik pisinerit	2	50		6
Kallerup innera	2			6
Ingerlatsinermut aningaasaliissutit allat (Ineqarnermut akiliut, kiassarneq imerlu)	12	27		36
Aningaasartuutissat katillugit	115	77		345

Sisimiut eqitsit 1

	qaammammut	ataasiartumik	Sulisunut aningaasartuutit	Qaammatit 3
Qaammammut akissarsiassat	52		2	156
Akunermut	43		2	129
Sulisunut Aningaasartuutit	2			6
Napparsimnersiutit	1			3
Allaffissornermut aningaasartuutit	1			3
Nioqutissanik pisinerit	2	50		6
Kallerup innera	2			6
Ingerlatsinermut aningaasaliissutit allat (Ineqarnermut akiliut, kiassarneq imerlu)	10 – 20-mut qaffappoq	21 – 40.500- mut qaffappoq		30 – 60- imut qaffappoq.
Aningaasartuutissat katillugit	113 – 123- imut qaffappoq	71 -91.500kr- imut qaffappoq		362 – 382- imut qaffappoq

Allaffeqarfiup naliliinera

Sisimiuni inisiffissaralua ajornartorsiutaalersimagaluarpoq, INI a/s neqeroorutini tunuartikkamiuk. Massakulli inissisimaffissaq nutaavimmik nassaartoqarpoq, taamaasilluni ammaanissaq 1.oktober-
imut 2020 inissilluni.

Qeqqata Kommuniani unnuiffiugallarsinnaasunik siunertaasoq tassa nalinginnaasumik najugaqalernissamut takunnissinnaangisunut/nukissaqanngitsunut/periartiffissaqanngisunut angerlarsimaffeqanngitsunut neqeroorummik neqerooruteqarsinnaaneq. Unnuiffiugallarsinnaasuni ilanngunneqassaaq, angerlarsimaffeqanngitsunut ataasiakkaanut isumassuineq angerlarsimaffeqannginnermiit periartiffisanut allanut innersuussinerussasoq.

Unnuiffiugallarsinnaasoq Qeqqata Kommuniani ataatsimoortumik inooqataanermut oqaloqatiginnittarnermillu neqerooruteqarnermut ilaatinneqassaaq, anguniagaqarfiusoq

inuiaqatigiinnut akuuleqqinnissaanut periarfissaa nukittorsarneqarluni aammalu annertunerusumik ukkataqarnikkut, ingerlatsiviup oqartussaassuseqartullu allat akimorlugit attaveqaqatigiinnermik pilersitsisoqarsinnaanissaa.

Allaffeqarfiup innersuussutaa

Atugarissaarnermut ataatsimiititaliamut akuereqqullugu innersuussutigineqarpoq,

1. Ilassutit 49.500kr nalilik akuerineqassasoq .
2. Akuersisoqarpat ilassutinik, suliaq ingerlatinneqaqqissaaq aningaasaqarnermut ataatsimiititaliamut aamma kommunalbestyrelses-mullu akuerisassanngorlugu.

Atugarissaarnermut ataatsimiititaliap suliamik suliarinninnera

Ataatsimiititaliap 10. september 2020 ataatsimiinnerani innersuussutit akuersissutigineqarput suliarlu akuerisassanngorlugu ingerlatinneqaqqissaaq Aningaasaqarnermut ataatsimiititaliamut aamma kommunalbestyrelse-mut

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut Kommunalbestyrelsimullu innersuussutigivaa akuereqqullugu,

-ilassutit 49.500 kr. nalilik akuerineqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap 15. september 2020 ataatsimiinnermini innersuussutit akuersissutigivaa.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa,

-ilassutit 49.500 kr. nalilik akuerineqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. INI neqoroortaa nutaaq

Imm. 03 Ilassutitut aningaasaliissuteqarneq - atuiffik 85 – Aningaaserivimmiittuutinit erniat

Journalnr. 06.02.01

Tunuliaqutaq

Missingersuutiniq malitseqartitsinermut atatillugu, aningaaserivimmiittuutit tigoriaannaat pillugit erniat missingersuusiorneqarsimangitsut paasineqarpoq.

Maleruagassatigut tunngavigisaq

Ilassutitut aningaasaliissutit kommunalbestyrelsip akisussaaffigai.

Immikkoortumut 537000000 aningaasaqarnermut ataatsimiittitaliaq akisussaasuvoq.

Pissutsit atuuttut

Maannakut erniat inissisimanerata malitsigisaanik aningaaserivimmi aningaasanik tigoriaannarnit erniatigut isertitsisoqarneq ajorpoq, illuatungaartigut erniatigut aningaasartuuteqartoqartarluni.

Erniatigut aningaasartuut taanna 2019-imut katillugit 1.196.234 koruuninik nalunaarsorneqarpoq. KB ataatsimiinnerani 04/2019-imi 2019-imut 900 tkoruuninik ilassutitut aningaasaliisoqarpoq.

Ernianut aningaasartuutit missingersuusiorneqarnikuunngimmata, taanna aningaasartuut 2020-mut + ukiunut missiliuuteqarfiusunut 2021 - 2023-mut ukiunut tamanut 1,5 mio. koruuninik missingersuusiorinissaa imminut illersorsinnaavoq, takujuk ataani eqitsisitut takussutissiaq.

	Aningaas.	2020	2021	2022	2023
537000000 1601020000					
134010100 010500	0	1.500	1.500	1.500	1.500
Katilligit		1.500	1.500	1.500	1.500

Aningaasaqarnikkut allaffissornikkullu kingunerisinaasai

Qulaani takutineqartutut kommunimi missingersuutitut aningaasaqarnikkut kinguneqassaaq.

Allaffeqarfiup naliliinera

Allaffeqarfiup nalilerpaa, missingersuummik tikkuussisumik pissarsinissamut ilassutitut aningaasaliinissaq qulaaniittoq pisariaqartoq.

Allffeqarfip innersuussutaa

Aningaasaqarnermut ataatsimiittitaliaqmut Kommunalbestyrelsimullu inaarutaasumik akuereqqullugu allaffeqarfiup innersuussutigaa,

- eqitsimmi takussutissami takutinneqartutut 2020-mi missingersuutini + ukiunut missiliuuteqarfiusunut katillugit 1.500.000 koruuninik ilassutitut aningaasaliisoqassasoq

***Kommunalbestyrelsip septembarip 24-ani 2020-imi ileqquusumik ataatsimiinnerata 05/2020
imaqarniliornera***

Aningaasaqarnermut ataatsimiititaliap suliamik suliarinninnera
Ataatsimiititaliap 17. marts 2020 ataatsimiinnerani suliaq akuerineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

- eqitsimmi takussutissami takutinneqartutut 2020-mi missingersuutini + ukiunut
missiliuueqarfiusunut katillugit 1.500.000 koruuninik ilassutitut aningaasaliisoqassasoq

Aalajangiineq

Innersuussutigineqartoq akuersissutigineqarpoq.

Ilanngussat

Soqannilaq

Imm. 04 Sisimiuni Puigortunnortunut immikkoortortamik 20-nik inissalimmik sanaartornermut atatillugu igaffimmik errorsisarfirmillu ingerlatseqatigiissinnaanermi sipaarutaasinnaasunik misissuineq

Journalnr. 44.19

Tunuliaqutaq

2020-mi maajip 19-ani Aningaasaqarnermut ataatsimiititaliap ataatsimiinnermini kommunalbestyrelsimut innersuussutigivaa, siunissami ingerlatsinikkut sipaaruteqartoqarsinnaaniassamat, igaffimmik errorsisarfirmillu pioreersumik atuisoqarsinnaanera pillugu misissuisoqassasoq, tamannalu 2020-mi maajip 28-ani Kommunalbestyrelsip ataatsimiinnermini akuersissutigalugu.

Sanaartornermut pilersaarut inissiinissanillu toqqaaneq pillugit innersuussutit sinneri akuersissutigineqareerput.

Maleruagassatigut tunngavigisaq

Qeqqata Kommuniata 2020-mut ukiunullu missiliuteqarfiusunut missingersuutai.

Pissutsit atuuttut

Atugarissaarnermut ataatsimiititalip innersuussutai 2020-mi maajip 19-ani Aningaasaqarnermut ataatsimiititaliap ataatsimiinnermini suliarivai aammalu Kommunalbestyrelsimut innersuussutigalugu, siunissami ingerlatsinikkut sipaaruteqartoqarsinnaaniassamat, igaffimmik errorsisarfirmillu pioreersumik atuisoqarsinnaanera pillugu misissuisoqassasoq.

Sanaartortitsisup ataatsimiititaliaa tullinnguuttunik ilaasortaartoq Qupanummi pisortaq Peter Mattaaq, Atugarissaarnermut pisortaq Estella Buhrkall, Sanaartornermi immikkoortortami aqutsisoq Niels Mønsted, illoqarfimmik pilersaarusiortoq Christina Natalie Kompf aamma cand.ing Agathe Olsen Teknikkeqarnermut Avatangiisinullu immikkoortortameersoq 2020-mi juunip arfineq-pingajuani ataatsimiipput aammalu una eqqartorneqassasoq inerniliullugulu.

Igaffik errorsisarfillu Qupanumi isumagineqalissapat, naliliigallarnermi sulisunik atortunillu annertusaanermik kinguneqassaaq;

Sulisooq	Amerlassusaat	Atortut	Kr
Igaffimmi sulisut	2		600.000
	1	Nerisassanut qamutit matoqqasut	30.000
Biiliussisartoq	1,5		400.000
	1	Biili, pickup	350.000
		Immikkut iganik qalatitsiviit	60.000
Errorsisarfirmi	2		500.000
	1	Panersiivik (Miele 20 kg)	110.000
	1	Immikkut errorsivik (Miele 20 kg)	210.000
	1	Manissaavik (PM1217 takissusaa 166cm)	90.000
Katillugit			2.350.000

Kisitsisit itisilerneru kakkiiussami takuneqarsinnaapput.

Missingersuutigineqarpoq 20-inik initaqartussat, ingerlatsinermut aningaasartuutit 12 mio. koruunit/ukiumut missaaniittussat 2023-imi ukiakkut inissinneqartussat.

"Ingerlatsivinni marluusuni igaffimmik errorsisarfirmillu ataatsimoorussinermi, immikkoortut marluusut 2 km.-it missaanik imminnut ungasissuseqartut akornanni annertunerusumik angallassisoqarnissaanik pisariaqartitsinermik kinguneqassaaq. Taamaalillunilu igaffimmi sulisoqarnikkut sipaarutaasinnaagaluartut, biilnik ingerlassisumut biilinullu annertunerusumik aningaasartuuteqalernermut tussapput. Sapaatip akunnerata ulluini tamani nerisassanik kiisalu piffissani aalajangersimalluinnartuni angallassisoqartassaaq, taamaalilluni biilnik ingerlassisoq biilinnut piffissani taakkunani sulianut allanut atorneqarsinnaassanatik. Maannakkut Qupanuk ataasiinnarnik biileqarmat, taakkulu eqqiluinngitsunut (ilaatigut eqqagassat) aamma atorneqartarmata, nerisassanik assartuutaasussanik biilnik nutaanik pissarsiniarnissamik pisariaqartitsisoqassaaq. Innarluutilinnut bussit angallassinernut allanut atugassiaammata, nerisassanik assartuutitut atorneqarsinnaanngillat.

Igaffimmit ataatsimit kiisalu errorsisarfirmitt ataatsimit najugaqarfinnik marlunnik sullissisoqarnermi, atortutigut ajortoortoqartillugu ingerlatsineq qajannarneruleratarsinnaavoq.

Ataatsimoorussamik errorsisarfirmik imaluunniit ataatsimoorussamik igaffimmik ajutoortoqartillugu, najugaqarfiit marluusut tamarmik eqqugaassapput, biilinillu ajutoortoqartillugu imaluunniit apivataarsimaneranik silamik ajornartorsiuteqartillugu, puigortunngortunut immikkoortorta q nammineq errorsisarfeqarnngitsoq/igaffeqanngitsoq eqqugaassaaq.

Nappaammik tuniluuttartumik tunillaattoqartillugu ataatsimoorussamik ingerlatsisoqartillugu najugaqarfiillu akornanni akulikitsumik angallassisoqartillugu, najugaqarfiit akornanni tuniluunneq ajornannginnerusumik ingerlaalissaaq. Najugaqarfiit namminerisamik errorsisarfeqartillugit igaffeqartillugillu, avataanit tuniluussinnaanermut immikkoortinneqarnissaat ajornannginnerussaaq.

Qupanummi errorsisarfik nalinginnaasumik ammasarfiup nalaani nalinginnaasumik atugassaqtartsinngilaq, tassa ataasinngornermiit tallimannornermut kiisalu sapaatip akunnerata naanerini ataasiakkaatigut errorsisoqartarmat. Akiani puigortunngortunut immikkoortorta q aamma sullissinneqassappat, ualikkut / unnukkat errorsisarfirmi sulisussanik atorfinitsitsinissaaq pisariaqassaaq, taamatullu akissarsianut aningaasartuutit qaffasinnerussallutik.

Errortassat allami errorneqarneratigut, puigortunngortut immikkoortortaani nutaami nunaminertatigut sipaaruteqarfiunaviannngilaq, tassa suliffeqarfinni errorsiviit ini atortagaanni errortassanut errortanullu katersuivittut atorneqartassamat. Maannakkut asaasut errorsinermik isumaginnittarput, avataanillu errorsisarnermi errortassaasivinnik immikkoortiterisarnermut piffissamik atuinnitalissallutik. Siusinnerusukkat errorsisarfik pitsaanngitsumik inerneqarluni namminersortunngorsarneqarnikuuvoq, ilaatigut naapertuutinngitsumik errortanik piginnittunut eqqortunut immikkoorterinermik annertuumik piffissamik atuisoqartarluni.

Sanaartornerup aallartinneqarnerani suliffeqarfinnut errorsivinnut innaallagissamut-imermut kuuffissualiinerlu, kingusinnerusukkat ataatsimoorussamik errorsiveqarnerup peqqissimissutigineratigut, natilersuereermermi pilersitsinissamit akikinneruvoq.

Igaffimmut tunngatillugu Qupanummiit nerisassanik aatsisarnermut kiisalu nerisassanut poorisimasanik puugutarsuarnillu errorneqartussanik, sapaatip akunnerata naanera ilanngullugu, ullormut arlaleriarluni assartuinerit ingerlanneqartassapput, tamakkulu neriffissap nalaani aatsisarnissap ingerlanneqartarnissaa eqqarsaatigalugu, piffissami aalajangersimasumi pisassapput.

Angallannermi pissutsini pitsaanngitsumik ulloqarnermi unammillernartoqartitsissaaq, tamannalu aquttunik tatiginartunik biilinillu ingerlalluarsinnaasunik ipeqanngitsunillu pisariaqartitsivoq.

Nerisassanik angallassinermi ajutoornerup kingunerissavaa, allatigut angallassinissap (ass. taxanik) nassaartoqarnissaanut, nerisitsinissamik sulisut kinguartitsisariaqarnerinik.

Angallassinermut piffissamik atuineq nerisassanik kissassimaartitsinissamik ajornakusoortitsisoqassaaq, nerisassallu kissaqqinneratigut pitsaassusaanik ajornerulersitsissalluni.

Taamatuttaarlu aasaanerani sikut kingulerassat sassaaliutigineqannginnerini aaratarsinnaallutik. Qupanummi igaffik inunnut 100-it missaanik amerlassuseqartunut nerisassiuussisinnaavoq, taamaattumillu puigortunngortut immikkoortortami inuit 30-t missaaniittunik pilersuisinnaavoq, igaffimmiulli pingasunut soraartarmata, puigortunngortut immikkoortortaanut unnukkorsiutinik assartuinissamat kiisalu sinnikunik igaffimmilu atortunik errugassanik tiguisussanik sulisunik amerlanerusunik atorfinitsitsisoqartariaqarluni. (tamanna Qupanummi najugaqartunut inulerisunit isumagineqartarpoq).

Tassangaannartumik allannguinerit kiisalu najugaqartunut peqqissartut nerisassaannik immikkullu nerisassiuunneqarnissamat, avataani igaffeqarnikkut ajornartorsiortitsisoqassaaq.

Nerisassat sinnikuusa nillartaatitsivimmut inissinneqarnissaanut, sivisunerusumik assartorneqartarnerisigut taamaalillutillu piusinnaanerisa sivikillinerisigut atorluarneqarnissaat ajornarnerulissaaq, taamaalillunilu nerisassanik eqqaanermik annertusiinermik kinguneqassalluni.

Avataanit nerisassanik assartuinikkut puigortunngortunut imikkoortortami nutaami nunaminertaminermik sipaaruteqartoqarsinnaavoq, errorsisarfitulli sanaartornerup nalaani igaffimmik pilersitsinermit, kingusinnerusukkut igaffiliilluni sanaartorneq akisunerusaaq.

Puigortunngortut immikkoortortaanut nutaamut avataanit nerisassanik assartuisoqartarnikkut, igaffimmi sulisunut sipaaruteqartoqarsinnaavoq, tamanna biilnik angallassisussanik, biilnik assartuinissamat usilersuisussanik/imaarsisussanut sulisunik aammalu igaffimmi sulisut pingasunut soraareernerisa kingorna, nerisassanik assartugassanik isumaginnittussanik igaffimmi sulisunit amerlanerusunik pisariaqartitsilernerup illuatungilerneqassaaq.

Naggataatigut annertunerusumik orsussamik atuinerulerneq aammalu nerisassanik assartuinerit atortunillu sinnikunillu utertitsinerit biilnik atuinerulerneq kiisalu assartuineq patsisaalluni nerisassat iginneqartartut annertusineri atuilluartuunngillat".

Aningaasaqarnikkut allaffissornikkullu kingunerisinaasai
Oqaaseqaateqanngilaq.

Allaffeqarfiup naliliinera

Inerniliilluni naliliisoqarpoq, ataatsimoorussamik errorsiveqarnikkut igaffeqarnikkullu aningaasaqarnikkut sipaaruteqarnavianngitsoq, matumani biilnik ingerlatsisunut, biilnut usilersornermut/imaajaanermullu sulisunut aningaasartuutit annertusinissaat patsisaavoq. Tamatuma saniatigut tuniluunnissamut assartuinernilu ajutoortoqarnissaanut najugaqarfiit qajannarnerussallutik. Nerisassat assartorneqartarnerisigut pitsaassusaat ajornerulissaaq kiisalu nerisassanik eqqaasarneq annertusissalluni. Naggataatigut Qupanummi errorsisarfik parlaattunik sulisoqarnissamut periarfissaqanngilaq, soorluttaaq puigortunngortunut immikkoortortamut nutaamut nerisassanik assartuisoqartassappat kiisalu atornikunik utertitsisoqartassappat, ualikkut unnukkullu igaffimmi sulisussanik pisariaqartitsisoqassaaq.

Akiani puigortunngortunut immikkoortortaq nutaaq 20-nik najugaqartussanut sanaartornissamut pilersaarummi, namminerisamik errorsisarfeqarnissamut igaffeqarnissamullu pisariaqartitsineq attatiinnarneqarpoq. Atuutilersinneqarnerata kingorna igaffissuarmit najugaqarfinnut ataasiakkaanut nerisassiortarnerup ilaata nuutsinneqarnissaa naapertuutissappat, tamanna suleqatigiit suleqatigalugit misissorneqarumaarpoq. Nalilerneqarpoq sipaaruteqannavianngitsoq ataatsimoortinneqassagaluarpata errorsiviit aamma igaffiit.

Allaffeqarfiup innersuussutaa

Atugarissaarnermut immikkoortortap Atugarissaarnermut ataatsimiititaliamut innersuussutigaa,

-inerniliussaq tusaatissatut tiguneqassasoq aammalu sanaartornissamut ingerlatsinissamullu missingersuutit Aningaasaqarnermut ataatsimiititaliamut akuerisassanngortillugit innersuussutigineqassat

Atugarissaarnermut ataatsimiititaliap suliamik suliarinninnera

Ataatsimiititaliap 11. august 2020 ataatsimiinnerani innersuussut akuersissutigineqarpoq suliarlu Aningaasaqarnermut ataatsimiititaliamut Kommunalbestyrelse-mullu akuersissutigisassanngorlugu ingerlateqqinneqassaaq.

Innersuussut

Atugarissaarnermut ataatsimiititaliap Aningaasaqarnermut ataatsimiititaliamut innersuussutigivaa,

-inerniliussaq tusaatissatut tiguneqassasoq aammalu sanaartornissamut ingerlatsinissamullu missingersuutit Aningaasaqarnermut ataatsimiititaliamut akuerisassanngortillugit innersuussutigineqassat

Aningaasaqarnermut ataatsimiititaliap suliamik suliarinninnera

Ataatsimiititaliap 15. september 2020 ataatsimiinnerani sanaartornissamut pilersaarutip ingerlaqqinnissaa akuersissutigineqarpoq, taamaattorli Utoqqaat Angerlarsimaffiata igaffiata errorsisarfiatalu atorneqarnissaat suli Ataatsimiititaliamit piumasarineqarpoq. Kingusinnerusukkulli immikkut errorsisarfirmik igaffimmillu pisariaqartitsilersinnaaneq sillimaffigalugu taakkua initassaat (lokal) ilanngullugit sanareerneqarnissaata pilersaaruseroneqarnissaat akuersissutigineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa,

-sanaartornissamut pilersaarutip ingerlaqqinnissaa

- Utoqqaat Angerlarsimaffiata igaffiata errorsisarfiatalu atorneqarnissaat suli
akuersissutigineqassasoq

-kingusinnerusukkulli immikkut errorsisarfimmik igaffimmillu pisariaqartitsilersinnaaneq
sillimaffigalugu taakkua initassaat (lokal) ilanngullugit sanareerneqarnissaata
pilersaarusionerqarnissaat akuersissutigineqassasoq

Aalajangiineq

Innersuussutigineqartut akuersissutigineqarput.

Ilanngussat

1. Budget udgifter ifm servicering af nyt demensplejehjem bem.nm

**Imm. 05 Qeqqata Kommunianut ukiumut naatsorsuuseriffiusunut 2019-imut 2019-imi
decembarip 31-ata tungaanut ingerlaavartumik kukkunersiunermit
nalunaarutip ilaa pillugu Kukkunersiuisut nalunaarutaat nr. 33**

Journalnr. 06.04.01

Tunuliaqutaq

Kukkunersiuisut nalunaarutaannik (2019-imut nalunaarutip ilaanik) 2020-mi januaarip 31-ani BDO suliaqarnikuuvoq.

Maleruagassatigut tunngavigisag

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq.

Nalunaarut naapertorlugu kukkunersiuisut oqaaseqaataat kommunalbestyrelsip akissuteqarfigisussaavaat, akissuteqaatillu suliarineqarnerinit kingusinnerpaamik ullut 14-it qaangiutsinnagit Naalakkersuisunut nassiullugit.

Pissutsit atuuttut

Siuliani kukkunersiuisut nalunaarutinit, tullinnguuttutigut kukkunersiuisut oqaaseqaateqarput:
2.2.1 Immikkoortut Namminersorlutik Oqartussanit utertitassaqaarfiusut

Illup iluani nakkutilliineq

Kommuni 2019-imi januaarip aallaqqaataani BDO-p pitsaassutsimik nakkutilliinermik systemia suliffisarsiuussisarfimmi inunnullu isumaginnittoqarfimmi atulerniarlugu aalajangerpoq. Kommunimi aalajangersakkat malillugit qaammatinik pingasukkaarinerni tamani sulianik pingasunik toqqaasoqartassaaq. Taamatuttaaq qaammatit pingasukkaarlugit nalunaarusiortoqartassalluni.

Immikkoortortaqaarfinni tullinnguuttuni najoqqutassat malinneqanngitsut paasineqarpoq. Immikkoortortat ilaanni BDO-mi pitsaassutsimik nakkutilliinermik systemip atorneqarnera suli aallartinneqanngilaq. Immikkoortortat ilaanni pitsaassutsimut nakkutilliineq aallartinneqarsimavoq, suliali amerlassusaannut piumasaqaatinut atuutitsinissamut naammassinnissanatik, imaluunniit qaammatinik pingasukkaarinermut nalunaarutit suliarineqartarsimanatik.

Siusinaartumik pensionit

Sulianik amerlasuunik misissuinerup takutipppaa, suliat affai sinnerlugit kukkuneqarlutillu amigaateqartut. Kukkunerit taakkua pissutsinik makkunangga peqquteqartarput:

-Siusinaartumik pensioninik naatsorsuinermit Saniatigut isertitat eqqortumik naatsorsorneqarsimangillat.

-Sulisinnaassutsimik misissuineq suliarineqarsimangilaq.

Naliliinerput malillugu kukkunerup annertussusaata takutipppaa, aqutsinermi nakkutilliinermik ileqqunngortitamik pilersitsinissamut pisariaqartitsisoqartoq.

Allaffeqarfiup naliliinera

***Kommunalbestyrelsip septembarip 24-ani 2020-imi ileqquusumik ataatsimiinnerata 05/2020
imaqarniliornera***

Ilinniartitaanermut ataatsimiititaliap (siusinnerusukkut Inuussutissarsiornermut Takornariaqarnermullu ataatsimiititaliaq) 2020-imi marsip sisamaanni ataatsimiinnerani, allakkiq 30 pillugu allaffeqarfiup akissutissatut siunnersuutaa akuersissutigineqarpoq, ilaatigut ima imalik:

"Majoriami aqutsisut, Ilinniartitaanermut ataatsimiititaliap novembarip sisamaani 2019-imi 09/2019 nalinginnaasumik ataatsimiinnerani saqqummiunneqartutut allaffissornikkut pitsaassutsimik nakkutilliinermi systemeq tunniunneqartoq atugarilersimavaat. Majoriani aqutsisut pitsaassutsimut nakkutilliinermut systemi pissarsiarinikuusartik atulernikuuaat aammalu 2019-imi juuni-juuli-septembarimi aqutsisut qaammatit pingasukkaat sisamaanni nakkutilliinerisa takutippaat, Majoriani suliffissarsiuussisarfiit maanna pitsaassutsimut nakkutilliinermut systemimik atuilersimanerat kiisalu ulluinnarni sullissinermi misissuineri eqitsisinik atuilersimasut.

Nakkutilliinerup aappaani pingajuanilu suliffeqqangikkallarnermi ikiorsiissutinut tunngatillugu tigulaakkani suliamik ataatsimik kukkuneqartumik nassaartoqarpoq.

Sisimiuni Majoriap qaammatit pingasukkaat sisamaanni nakkutilliinermi piginnaangorsaaqqiinnermut tunngatillugu tigulaakkani tallimani suliani kukkuneqartunik nassaartoqangilaq.

Maniitsumi Majoriap januaarimi qaammatit pingasukkaat sisamaanni sulianik arfineq-pingasunik nakkutilliivoq, taakku akornanni marluk piginnaangorsaaqqinnermut tunngassuteqartut.

Suliani kukkuneqangilaq, siunissamili Majoriat sulianik pingasunik immikkoortortakkaartumik qaammatinillu pingasukkaarinnermi toqqaasassapput."

Atugarissaarnermut ataatsimiititaliap (siusinnerusukkut Ilaqutariinnermut ataatsimiititaliaq) 2020-imi marsip aqqarnani ataatsimiinnerani, allakkiq 30 pillugu allaffeqarfiup kukkunersiuisunut akissutissatut siunnersuutaa akuersissutigineqarpoq, ilaatigut ima imalik:

"Nakkutilliinermut systemi pissarsiarineqarnikuusoq Atugarissaarnermut Immikkoortortami aqutsisunit atutilersinneqarnikuuvoq.

Allaffissornermi immikkoortortami aqutsisunut tamanit qaammatit sisamakkaarlugit Atugarissaarnermut immikkoortortami aqutsisut nakkutilliisarnissaat naatsorsuutigineqarpoq, ilaqutariinnermut pisortanit nakkutilliinermik malitseqartumik.

Innersuussut

Aningaasaqarnermut ataatsimiititaliamut Kommunalbestyrelsimullu innersuussutigineqarpoq akuersissutigeqqullugu,

-Kukkunersiuisut nalunaarutaannut nr. 33-mut ataatsimiititaliat akissutissaattut siunnersuut akuersissutigineqasasoq

Aningaasaqarnermut ataatsimiititaliap suliamik suliarinninnera

Ataatsimiititaliap 21. april 2020 ataatsimiinnerani innersuussut akuersissutigineqarpoq. Illup iluani nakkutiginninneq sukanganerusumik ingerlanneqasasoq Aningaasaqarnermut ataatsimiititaliamiit piumasarineqarpoq.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa,

-Kukkunersiuisut nalunaarutaannut nr. 33-mut ataatsimiititaliat akissutissaattut siunnersuut akuersissutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Kukkunersiuisut nalunaarutaat nr. 33 ulloq 30-01-2020-meersoq.
2. Oqaluuserisassaq, journal nr. 06.04.01 ulloq 4.11.2019-meersoq, Kukkunersiuisut nalunaarutaat nr. 33-mik akissutissatut siunnersuutip Ilinniartitaanermut ataatsimiititaliamit akuersissutigineqarnera.
3. Kukkunersiuisut nalunaartutaannik nr. 33-mik akuersissuteqarnissaq pillugu Atugarissaarnermut ataatsimiititaliap 11.03.2020-mi ataatsiminnerani suliamik saqqummiussaq aalajangiinerlu.

**Imm. 06 Ataatsimiititaliamut ilaasortassamik sinniisussamillu nutaanik qinersineq –
Siumut**

Journal nr. 01.01.03

Tunuliaqutaq

Jakob Olsen-ip nalunaarutigivaa 30. september 2020 Teknikkeqarnermut ataatsimiititaliamiit tunuarniarluni Teknikkeqarfiup iluani sannavimmi formand-inngornini peqqutigalugu. Suleqatigiit Siumut, Inuit Ataqtigiit Partii Nalerarlu Teknikkeqarnermut Ataatsimiititaliamut ilaasortassamik sinniisussamillu kommunalbestyrelsimut akuerisassanngortitsilluni innersuussinissaannik qinnuigineqarpoq.

Maleruagassatigut tunngavissat

Kommunit aquneqarnerat pillugu Inatsisartut inatsisaanni nr. 29, 17. november 2017-meersumi § 38-mi *allassimavoq Piffissap qinigaaffiup ingerlanerani ataatsimiititaliami taamaaqataaniluunniit ilaasorta q tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq.*”

§ 40. Ataatsimiititaliami ilaasorta q kommunimi ingerlatsivimmik ataatsimiititaliamit pineqartumit qullersaqarfeqartumik akissarsiaqaatigalugu sulissussissanngilaq, tamanna sioqqullugu tamanut ammasumik suliariumannitussarsiuussisoqareersinnagu imaluunniit pissutsit immikkut ittut pissutiglugit kommunalbestyrelsi aalajangiisimappat.

Imm. 2 *Ataatsimiititaliami ataavartumi ilaasortaaneq ajornarpoq:*

- 1) atorfilinnut, ataatsimiititaliap ataavartup ataani ingerlatsinermi pineqartumi akisussaasutut aqutsissuusunut*
- 3) Atorfinnut, ingerlatsivimmi ingerlatsisuusunut akisussaasutut pisortaagaanni, ataatsimiititaliat ataavartut ataanni.*

Pissutsit atuuttut

Tullinnguuttunut **ilaasortamik nutaamik** qinersisoqassaaq:

1. Teknikkeqarnermut Ataatsimiititaliaq

Tullinnguuttumi **sinniisussamik nutaamik** qinersisoqassaaq:

1. Teknikkeqarnermut ataatsimiititaliaq

Innersuussut

Kommunalbestyrelsimit akuerisassanngorlugi, Suleqatigiit Siumut, Inuit Ataqtigiit Partii Nalerarlu tullinnguuttutigit toqqaanissamut innersuussinissaannik qinnuigineqarpoq

Tullinnguuttunut **ilaasortamik nutaamik** qinersisoqassaaq:

1. Teknikkeqarnermut Ataatsimiititaliaq

Tullinnguuttumi **sinniisussamik nutaamik** qinersisoqassaaq:

1. Teknikkeqarnermut ataatsimiititaliaq

Aalajangiineq

Ilaasortassasut qinerneqarpoq Gideon Lyberth.

Sinniisussatut qinerneqarpoq Erik Jensen.

Ilanngussaq

1. Jakob Olsen-ip emailia ulloqartoq 17. september 2020
2. Ataatsimiititaliat allattorsimaffiat

Imm. 07 Qeqqata Kommuniata, Randers Kommune, Københavns Kommune aamma Isumaginninnermut, Ilaqutariinnut Inatsisinillu Atuutsitsinnermut Naalackersuisoqarfik akornanni suleqatigiinnissamik isumaqatigiissut

Journalnr. 02.01

Tunuliaqutaq

Naalackersuisut ilaatigut qallunaat nunaanni oqartussanik suleqateqarluni, ukiuni kingullerni nunami meeqqanut inuusuttunullu avatangiisit pitsanngorsarneqarnissaat siunertaralugu suliniutinik annertusaanikuupput.

Suliniutinik annertusaaneq tunuliaqutaralugu Qeqqata Kommunian Namminersorlutik Oqartussanik suleqateqarluni Randers Kommune aamma Københavns Kommunemi isumaginninnermut meeqqanullu tunngasunik suleqatigiinnissamik isumaqatigiissusiornikkuupput. Randers Kommunemik suleqatigiinnissamik isumaqatigiissut piffissami 1. septembarimiit - 2020-mi decembarip qeqqata tungaanut atuuppoq aammalu Københavns Kommunemik suleqatigiinnissamik isumaqatigiissut piffissami 1. septembar 2020-miit - 2021-imi septembarip aallaqqaataanut atuuppoq. Suleqatigiinnissamik isumaqatigiissummik siunertaasoq tassaavoq, ilaatigut Randers Kommunemik aamma Københavns Kommunemik sulisuusunik piffissami killilikkami Qeqqata Kommunianut nassiussinikkut Qeqqata Kommuniani sulisunik nukittorsaanissaq aammalu ilaatigut misilittakkanik avitseqatigiinnikkut sanileriillunilu ilinniartitsinikkut Qeqqata Kommuniata nammineq sulisuisa suliamikkut pitsanngorsarneqarnissaat.

Randers Kommunemik aamma Københavns Kommunemik suleqataasut, isumaginninnikkut siunnersortaasuusussat aamma ilaqutariinnik katsorsaasuusussat, Kalaallit Nunaannut aallanginnerminni aallartisaalluni ataatsimiinnernik ingerlatsissapput. Aallartisaraluni ataatsimiinerit ilaatigut kalaallit kulturianni, inatsisaannik kommunillu suliassaanik naapitsinissamat pineqartunut piareersaataassaaq.

Isumaginninnermi siunnersortit isumaginninnikkut misissuinernik, iliuusissatut pilersaarutinik ikiuutissapput kiisalu sanileriilluni ilinniartitsisarlutik. Ilaqutariinnik katsorsaasartut meeqqanik ilaqutariinnillu oqaloqatiginninnernik katsorsaannernillu ingerlatsinermik ikiuutissapput, taakkulu saniatigut Qeqqata Kommuniani sanilerisanik ilinniartitsinermik ikiuutissallutik.

Tassunga atatillugu Qeqqata Kommuniata piareersimaffigissavaa, sulianik suliarineqanngitsunik, nalunaarutiginninnerit qisuariarfigineqarnikuunngitsunik, suliani isumaginninnikkut misissuinernik iliuusissatullu pilersaarutinik amigaatillit suliallu suliarineqartussat amerlassusaannik kisitsinikkut sulisunik tigusaqarsinnaaneq.

Soorluttaaq isumaginninnermut siunnersortit aallareernerisa kingorna qaammatit pingasukkaartumik, ukiumoortumik suliat amerlassusaanni ineriartorneq pillugu Qeqqata Kommunian Naalackersuisoqarfimmut nalunaarusiortassasoq. Ukiumi ataatsimi nalunaarusioreernerup kingora ukiuni marlunni qaammatit pingasukkaarlugit nalunaarusiortarnermik malitseqassaaq.

Maleruagassatigut tunngavigisag

Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq

***Kommunalbestyrelsen septembarip 24-ani 2020-imi ileqquusumik ataatsimiinnerata 05/2020
imaqarniliornera***

Pissutsit atuuttut

Sisimiuni Maniitsumilu sullissisumut ataatsimut suliat amerlassusaannik misissuinerup, 2019-imi qaammatinik pingasukkaarinerup aappaani ingerlanneqartup takutippaa, Sisimiuni meeqqanut inuusuttunullu tunngasuni sullissisunik amerlanerusunik pisariaqartitsineq qaffasissorujussuusoq.

Sullissisumut ataatsimut suliat amerlassusaa 98,7-iuvoq, Maniitsumi sullissisumut ataatsimut 28,2-miilluni. Taassuma paasinarsitippaa, sullissisut marloriataannik pisariaqartitsisoqartoq, sullissisumut ataatsimut suliassat 25-35 suliat amerlassusissaattut missingiutaasoq malissagaanni. Suliassat amerlavallaarnerat ilaatigut sullissinermi naammassisaqarsinnaassutsip appasinneranik pitsaassutsillu appariartorneranut pissutaaqataavoq.

Misissuineq tunngavigalugu kommunalbestyrelsi aalajangiivoq, illoqarfinni innuttaasut amerlassusaannut naapertuuttumik sullissisunik amerlassusiliineq aalajangersarneqassasoq.

Sisimiuni Maniitsumi piffissami matumani meeqqanut inuusuttunullu immikkoortuni isumaginninnermut siunnersortit ilaqutariinnillu katsorsaasartut amerlassusaat eqitsimi ataaniittumi takuneqarsinnaapput.

	Sisimiut	Maniitsoq
Isumaginninnermut siunnersorti/sullissisoq	9	8
Ilaqutariinnik katsorsaasartut	2 (Sulisogangikkallarpoq)	1 (Sulisogangikkallarpoq)

Atuilluartuunissakkut kingunerisinaasai

Naammassisaqarsinnaanerup pitsaassutsillu qaffasissusaani kivitsinerup kingunerisaanik Qeqqata Kommuniani meeqqanut inuusuttullu suliniutit nukittunerulissapput.

Aningaasaqarnikkut allaffissornikkullu kingunerisinaasai

Randers Kommunemiit aamma København Kommunemit sulisuusunut atugassanik sulisunut inissianik Qeqqata Kommunian atugassaqaqartitsissaaq aammalu taakkununga aningaasartuutit akilissallugit.

Suleqatigiinnissami isumaqatigiisummi nassuiarneqartutut suliassanik suliarinninnermut atatillugu, Randers Kommunemit aamma København Kommunemit sulisuusut Kalaallit Nunaaniinneranni aamma Qeqqata Kommunian sillimasiissaaq.

Aammattaaq Randers Kommunemit aamma København Kommunemit sulisuusuni imaluunniit sulisuusut qaninnertut ilaqutaanni tassangaannartumik napparsimasoqalernerani/toqusoqarnerani, Danmarkimut uternissamut billetsinut Qeqqata Kommunian akiliisuussaaq.

Allaffeqarfiup naliliinera

Sullissisut amerlanerusut assigiinnarpaa sullissinnermut piffissaq atorneqartoq sukkanerusoq aammalu sumiiffimmi suleqataasunut sulianik ulaperuluppallaannginneq, tamannalu suleqataasunut kiisalu meeqqanut inuusuttunullu sulianut tunngassuteqartuusunut iluaqutaassaaq.

Taakku saniatigut sanilerisamik ilinniartitsineq misilittakkanillu avitseqatigiinneq sullissinerup pitsaassusaanut iluaqutaassaaq, aammalu sumiiffimmi suleqataasut suliassaminnik kivitsinissaanut sakkussanik amerlanerusunik pissarsissallutik.

Allafgørelser indersøges

Atugarsaarnermut immikkoortortap Atugarsaarnermut ataatsimiititaliamut innersuussutigaa,

-suleqatigiinnissamik isumaqatigiissut pillugu paasissutissiissut tusaatissatut tiguneqassasoq

-suleqatigiinnissamik isumaqatigiissut pillugu aningaasaqarnermut ataatsimiititaliamut aamma kommunalbestyrelse-imut nassiunneqassasoq paasissutissatut

Atugarsaarnermut ataatsimiititaliap suliamik suliarinninnera

Ataatsimiititaliap 10. august 2020 ataatsimiinnerani suliaq tusaatissatut tiguneqarpoq suliarlu paasissutissiissutit kommunalbestyrelse-mut ingerlateqqinneqassaaq.

Innersuussut

Kommunalbestyrelsimut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. Samarbejdsaftale Randers- københavn Qeqqata

Imm. 08 Siulittaasut nalunaarutaat

Aalajangiineq

Tusaatissatut tiguneqarput.

Imm. 09 Tamalaat

Anna Karen Hoffmann Kangerlussuarmi illuaqqaliorfioqqusaanngitsumi illuaqqanik sanaartorneqartut pillugu apeqqutaa teknikkeqarnermut immikkoortumim pisortamiit akineqarpoq.

Axel L. Olsen apeqqutivaa kommunalbestyrelsi Taseralik pillugu qanoq takorluugaqarnersut. Tamanna pillugu borgmesteri akissuteqarpoq kingusinnerusukkut Taseralimmi siulersuisunik naapeqateqarluni eqqartorneqarumaartoq.

Siverth K. Heilmann Naalakkersuisunik nunaqarfinnut angalaqateqarsimaneq pillugu ilisimatitsissuteqarpoq.

Maniitsumi sulisunut inissialiornissaq pillugu kommunalbestyrelsimi ilaasortaniit borgmesteri pisinnaatinneqarpoq sanaartornissamut ilassutissanik aalajangiinissamut.

UNESCO-mut tunngatillugu 1,9 mio. kr. ilassutinik aningaasaliinissamut borgmesteri aalajangiinissamut pisinnaatinneqarpoq.

Novembarimi ataatsimiinnissamut ilisimatitsissutigineqarumaarpoq Kangerlussuarmut aqqusiniliornermut tunngasoq.

Ataatsimiinneq naammassivoq nal. 09.32